

«ԹՐԱՆՍՓԱՐԵՆՍԻ ԻՆԹԵՐՆԵՇՆԼ ՀԱԿԱԿՈՈՒԴՅՈՒՆ ԿԵՆՏՐՈՆ» ՈԱԶՄԱՎԱՐՈՒԹՅՈՒՆ 2022-2024 ԹԹ.





**ԽԹԱՆԵԼ ԼԱՎ ԿԱՌԱՎԱՐՄԱՆ ԵՎ ԺՈՂՈՎՐԴԱՎԱՐԱԿԱՆ
ԳՈՐԾԸՆԹԱՑՆԵՐԸ` ՀԱՆՈՒՆ ՊԵՏԱԿԱՆՈՒԹՅԱՆ
ԱՄՐԱՊՆԴՄԱՆ ԵՎ ԿՈՐՈՒՊՑԻԱՅԻՑ ԶԵՐԾ ՀԱՅԱՍՏԱՆԻ**



Կանխարգելել կոռուպցիան՝ կառավարման գործընթացների թափանցիկությունը, հաշվետվողականությունը և բարեվարքությունը խթանելու միջոցով



Նպաստել իրավունքի գերակայությանը՝ պատշաճ իրավակիրարկմանը, արդարադատության հաստատմանը, մարդու իրավունքների պաշտպանությանը հետամուտ լինելու միջոցով



Պաշտպանել հանրային ռեսուրսները հանրային գույքի ու ֆինանսների պատասխանատու կառավարմանը և հանրությանը մատուցվող ծառայությունների արդյունավետությանը նպաստելու միջոցով



Խթանել օրինավորությունը քաղաքականության մեջ ազատ և արդար ընտրությունների կայացմանը և քաղաքական համակարգի կատարելագործմանն աջակցելու միջոցով



Խթանել քաղաքացիական առաջնորդությունը՝ գիտելիք տարածելու, քաղաքացիական տարածքը պաշտպանելու և հանրության ներգրավման հնարավորություն ստեղծելու միջոցով:



2022-2024 ԹԹ. ՈԱԶՄԱՎԱՐՈՒԹՅԱՆ ՀԱՄԱՐ




ԿՈՌՈՒԹՅՈՒՆԻ ԿԱՆԽԱՐԳԵԼՈՒՄ

- Աջակցել արդյունավետ հակակոռուպցիոն քաղաքականության մշակմանը
- Աջակցել կոռուպցիոն ռիսկերը կանխարգելող օրենսդրության մշակմանը
- Խթանել հանրային ոլորտում բարեվարքության ինստիտուտների և կոռուպցիան կանխարգելող մեխանիզմների կայացմանը



ԻՐԱՎՈՒՆՔ ԵՎ ԿԻՐԱՐԿՈՒՄ

- Հետամուտ լինել իրավակիրառ պրակտիկային
- Աջակցել քաղաքացիներին հանրային շահի պաշտպանության գործընթացներում
- Հետամուտ լինել ապօրինի գույքի վերադարձի և պատասխանատվության ենթարկման գործընթացին



ՀԱՆՐԱՅԻՆ ՈՇՍՈՒՐՄՆԵՐ ԵՎ ԾԱՌԱՅՈՒԹՅՈՒՆՆԵՐ

- Նպաստել հանրային ունեցվածքի (այդ թվում՝ բնական ռեսուրսների) արդյունավետ, թափանցիկ և հաշվետու կառավարմանը
- Նպաստել հանրային ֆինանսների արդյունավետ, թափանցիկ և հաշվետու կառավարմանը
- Նպաստել հանրային ծառայությունների որակի բարելավմանը և կոռուպցիոն ռիսկերի նվազեցմանը

2022-2024 ԹԹ. ՈԱԶՄԱՎԱՐՈՒԹՅԱՆ ՀԱՄԱՐ



ՔԱՂԱՔԱԿԱՆ ՀԱՄԱԿԱՐԳ

- Նպաստել ազատ և արդար ընտրությունների իրականացմանը
- Աջակցել կուսակցությունների ինստիտուտի կայացմանը և թափանցիկության բարելավմանը



ՀԱԿԱԿՈՈՒԴՑԻՈՆ ԿՐԹՈՒԹՅՈՒՆ, ՔԱՂԱՔԱՑԻԱԿԱՆ ՏԱՐԱԾՔ

- Խթանել քաղաքացիական ու հակափոշուպցիոն գիտելիքը և արժեքների ձևավորումը
- Նպաստել քաղաքացիական հասարակության կազմակերպությունների իրավական ու գործնական միջավայրի բարելավմանը
- Նպաստել հանրային մասնակցության ինստիտուտի բարելավմանը
- Խթանել քաղաքացիական հասարակության զարգացումը Արցախում

ԿՈՐՈՒՊՑԻԱՅԻ ԿԱՆԽԱՐԳԵԼՈՒՄ

ՀԻՄՆԱԽՆԴԻՐ

Թեև կոռուպցիան՝ ըստ միջազգային փորձագիտական գնահատականների, նվազել է, այդուհանդերձ կարևոր հիմնախնդիր է մնում բարեվարքության ինստիտուտների ոչ լիարժեք գործարկումը, հանրային ծառայության ոլորտում կոռուպցիոն դրսևորումները և ռիսկերը, կոռուպցիայի դեմ պայքարի ընտրողական մոտեցումը և որոշումների չհիմնավորված և ոչ թափանցիկ կայացումը, ինչպես նաև հանրային վերահսկողության պակասը:

ՆՊԱՏԱԿՆԵՐ

ԹԻՅԿ-ը ձգտում է աջակցել արդյունավետ հակակոռուպցիոն քաղաքականության և կոռուպցիոն ռիսկերը կանխարգելող օրենսդրության մշակմանը, ինչպես նաև խթանել հանրային ոլորտում բարեվարքության ինստիտուտների և կոռուպցիան կանխարգելող մեխանիզմների կայացմանը:

ԱՐԴՅՈՒՆՔՆԵՐ

Ակնկալում ենք հասնել հակակոռուպցիոն ոլորտի օրենսդրական դաշտի բարելավմանը, կոռուպցիայի հակազդման միջոցառումների ծրագրերի մշակմանն ու իրականացմանը և հակակոռուպցիոն նոր ռազմավարության մեջ ԹԻՅԿ նախանշած ուղղությունների ներառմանը:



ԻՐԱՎՈՒՆՔ ԵՎ ԿԻՐԱՐԿՈՒՄ

ՀԻՄՆԱԽՆԴԻՐ	ՆՊԱՏԱԿՆԵՐ	ԱՐԴՅՈՒՆՔՆԵՐ
Թեև վերջին տարիներին կոռուպցիայի դեմ պայքարի ուղղությամբ մի շարք օրենսդրական ակտեր են ընդունվել, դրանք հաճախ մնում են թղթի վրա՝ համապատասխան կարողությունների, քաղաքական կամքի, ընտրողական վերաբերմունքի պատճառով: Իրավակիրարկման խնդիր կա նաև գողացված ակտիվների վերադարձի ապահովման, համապատասխան սանկցիաների կիրառման գործընթացում:	ԹԻՅԿ-ը ձգտում է բարելավել իրավակիրառ պրակտիկան, աջակցել քաղաքացիներին հանրային շահի պաշտպանության գործընթացներում և հետամուտ լինել ապօրինի գույքի վերադարձի և պատասխանատվության ենթարկման գործընթացին:	Ակնկալում ենք հասնել իրավական կարգավորումների լիարժեք կիրարկմանը, հանրային շահի վերականգմանը, վերադարձված գումարների աճին և մեղավորների նկատմամբ պատժամիջոցների կիրառմանը:



ՀԱՆՐԱՅԻՆ ՈՇԱՍՈՒՐՄՆԵՐ ԵՎ ԾԱՌԱՅՈՒԹՅՈՒՆՆԵՐ

ՀԻՄՆԱԽՆԴԻՐ

Հանրային ռեսուրսների, այդ թվում՝ հանրային ֆինանսների կառավարումը բազմաթիվ կոռուպցիոն ռիսկեր է պարունակում, ուստի այս ոլորտում արդիական խնդիր է մնում հանրային ռեսուրսների, այդ թվում՝ հանրային ֆինանսների ողջամիտ կառավարման մասնակցայնության, թափանցիկության և հաշվետվողականության պակասը, հանրային ծառայությունների ցածր որակը և այս ոլորտում կոռուպցիոն դրսևորումները, հանրային վերահսկողության պակասը:

ՆՊԱՏԱԿՆԵՐ

ԹԻՂԿ-ը ձգտում է նպաստել հանրային ունեցվածքի (այդ թվում՝ բնական ռեսուրսների) արդյունավետ, թափանցիկ և հաշվետու կառավարմանը, հանրային ծառայությունների որակի բարելավմանը և կոռուպցիոն ռիսկերի նվազեցմանը:

ԱՐԴՅՈՒՆՔՆԵՐ

Ակնկալում ենք հասնել հանրային ռեսուրսների ողջամիտ կառավարմանը և հանրային ծառայությունների մատուցման որակի բարելավմանը, ինչպես նաև բյուջետային գործընթացի և գնումների օրենսդրության և դրա կիրարկման բարելավմանը, ավելի հաշվետու, մասնակցային, արդյունավետ և թիրախային բյուջետավորմանը, հանրային գնումների վերաբերյալ բաց տվյալների ֆորմատով տեղեկատվությանը, ինչպես նաև հանրային ծառայության ոլորտի օրենսդրության բարելավմանը և կոռուպցիոն դրսևորումների և ռիսկերի նվազմանը:



ՔԱՂԱՔԱԿԱՆ ՀԱՄԱԿԱՐԳ ԵՎ ԸՆՏՐՈՒԹՅՈՒՆՆԵՐ

ՀԻՄՆԱԽՆԴԻՐ

Ընտրությունների ընթացքում օրինախախտումների պրակտիկան ընդհանուր առմամբ նվազել է, սակայն արդիական են մնում վարչական ռեսուրսների չարաշահման, ճնշումների և մի շարք այլ հարցեր: Տարիների ընթացքում ձևավորված ավտորիտար ավանդույթները չեն նպաստել այլընտրանքային քաղաքական կուսակցությունների կայացմանը, իսկ վերջիններիս ֆինանսավորման աղբյուրների թափանցիկության պակասը բացասաբար է անդրադառնում հանրության կողմից կուսակցությունների նկատմամբ վստահության վրա:

ՆՊԱՏԱԿՆԵՐ

ԹԻՅԿ-ը ծգտում է նպաստել ազատ և արդար ընտրությունների իրականացմանը, կուսակցությունների ինստիտուտի կայացմանը և թափանցիկության բարելավմանը:



ԱՐԴՅՈՒՆՔՆԵՐ

Ակնկալում ենք, որ ընտրություններն անց կացվեն Ընտրական օրենսգրքի դրույթներին համապատասխան՝ ճնշումների և վարչական ռեսուրսի չարաշահումների հնարավորինս նվազեցմամբ: Բացի այդ, ակնկալում ենք հասնել կուսակցությունների ֆինանսավորման տվյալների հանրային հասանելիությանը և կուսակցությունների ղեկավար մարմիններում որոշումների ընդունման թափանցիկ և հաշվետու գործընթացին:

ՀԱԿԱԿՈՌՈՒԴՑԻՈՆ ԿՐԹՈՒԹՅՈՒՆ, ՀԱՆՐԱՅԻՆ ՄԱՍՆԱԿՑՈՒԹՅՈՒՆ, ՔԱՂԱՔԱՑԻԱԿԱՆ ՏԱՐԱԾՔ

ՀԻՄՆԱԽՆԴԻՐ	ՆՊԱՏԱԿՆԵՐ	ԱՐԴՅՈՒՆՔՆԵՐ
Կոռուպցիայի դեմ պայքարի ոլորտում համակարգային խնդիրները մեծապես պայմանավորված են հանրության շրջանում իրազեկվածության ու քաղաքացիական ակտիվության ցածր մակարդակով, որոշումների կայացմանը քաղաքացիների իմաստալից մասնակցության մեխանիզմների ու դրանց կիրակման բացերով: Իրավական ու գործնական նպաստավոր միջավայրում գործող և զարգացած քաղաքացիական հասարակությունը լավ կառավարման ու ժողովրդավարության կայացման կարևորագույն հիմնասյուներից է՝ թե՛ Հայաստանում և թե՛ Արցախում:	ԹԻՅԿ-ը ծգտում է խթանել քաղաքացիական ու հակակոռուպցիոն գիտելիքը և արժեքների ձևավորումը, նպաստել քաղաքացիական հասարակության կազմակերպությունների իրավական ու գործնական միջավայրի և հանրային մասնակցության ինստիտուտի բարելավմանը, ինչպես նաև խթանել քաղաքացիական հասարակության զարգացումը Արցախում:	Ակնկալում ենք հասնել ԹԻՅԿ լսարանի ընդլայնմանը, գիտելիքի տարածմանը, հակակոռուպցիոն պայքարում ԹԻՅԿ-ի կողմից վերապատրաստում անցած երիտասարդների ազդեցության ավելացմանը, ՔՀԿ միջավայրի գնահատականի բարելավմանը, ինչպես նաև Արցախում ՔՀԿ-ների և ակտիվ խմբերի ավելացմանը:



ԸՆԴՀԱՆՈՒՐ ԺՈՂՈՎ

Հաստատում է ինչպես սույն ռազմավարությունը, այնպես էլ ռազմավարական նպատակների իրականացմանն ուղղված գործունեության վերաբերյալ Գործադիր տնօրենի հաշվետվությունները:

ԽՈՐՀՈՒՐԴ

Մասնակցում է ռազմավարության մշակմանը և ներկայացնում է այն Ընդհանուր ժողովի հաստատմանը, ինչպես նաև ի գիտություն է ընդունում ռազմավարության իրականացմանն ուղղված տարեկան գործողությունների պլանները և հավանության արժանացնում դրանց կատարման հաշվետվությունները:

ԳՈՐԾԱԴԻՐ ՏՆՕՐԵՆ

Ապահովում է ռազմավարական նպատակների իրագործմանն ուղղված գործողությունների պլանի կատարումը և ներկայացնում դրա իրագործման վերաբերյալ հաշվետվություն խորհրդին, ինչպես նաև ռազմավարական նպատակների իրականացմանն ուղղված գործունեության վերաբերյալ հաշվետվություններ Ընդհանուր ժողովին:

ԱՇԽԱՏԱԿԻՑՆԵՐ

Մասնակցում են ռազմավարական պլանի և հարակից փաստաթղթերի մշակմանը, իրականացնում են ռազմավարական նպատակների իրագործմանն ուղղված, տարեկան աշխատանքային պլաններով սահմանված գործողությունները և դրանց ընթացքի վերաբերյալ պարբերաբար հաշվետվություն ներկայացնում՝ ըստ սահմանված կարգի:

